

Immiaaqqat imeruusaatillu kulysrimik akullit Kalaallit Nunaanni puiaasat dâse-llu angissutsit assigiinnngitsunik tuniniarneqarsinnaanngorlugit puui pillugit nalunaarut allanngortinnerasigut Naalakkersuisut qulakkeerinninnissaat pillugu Inatsisartunut aalajangiiffigisassaattut siunnersuut. Utertitsisarnermut aaqqissuussami puiaasat dâse-llu ilaasinnaassapput. Siunnersuummik akuersereernerup kingorna sukkanerpaamik allannguisoqassaaq – kingusinnerpaamilli 1. januar 2024.

(Inatsisartunut ilaasortaq Jens-Frederik Nielsen, Demokraatit)

Akissuteqaat

(Nunalerinnermut, Imminut Pilersornermut, Nukissiutitut Avatangiisinullu Naalakkersuisoq)

Siullermeerneqarnera

Naalakkersuisuniit Inatsisartut aalajangiiffigisassaattut siunnersuut, Inatsisartunut ilaasortaq Jens-Frederik Nielsenip saqqummiussaa pillugu qujavugut.

Naalakkersuisut immiaaqqanik imeruusaatinillu kulysrimik akulinnik, ullumikkumut naleqqiullugu assigiinnngitsunik arlalinnik puulinnik tunisisinnaalernissaq pissappat, poortuutunik utertitsisarnerup aaqqissuuteqqinneqarnissaa anguniarlugu poortuutitut nalunaarutip allanngortinneqartariaqarnera pillugu siunnersuuteqartoq isumaqatigaat. Poortuutit poortuutunik utertitsisarnermut ilaalissapput, taamaalillutalu pinngortitamut pinissaat sapinngisamik pinngitsoorsinnaalissavarput. Tamatuma saniatigut Naalakkersuisut isumaqarput, imeruusaatit allat puui utertinneqarsinnaalissasut, taamaalillunilu assersuutigalugu juicinik tunisassianut poortuutunik utertitsisarnermi akiusoq, ullumikkutut Dansk Retursystem-imut akilerneqartartoq atuisumut utersinnaalissasoq. Taamaalilluni juicit, imeruusaatit eqeersaatitallit, immiaaqqat aalakoornartortaqaanngitsut il.il. puuisa atoqqinneqarsinnaanerini annertusititsinissaq qulakkiissavarput. Tamanna poortuutit taamaattut pinngortitamut najukkatsinnut, sinerissamut immamullu pisannginnissaannut iluaqutaassaaq.

Naalakkersuisut ESANI suleqatigalugu utertitsisarnermik nutaamik atuutsitsilernissamut pilersaarusionerminni ingerlangaatsiarsimapput. Atuutsitilernissamut pilersaarut marlunnik immikkoortortaqaassaaq, siulliullu ukiup naanerani aallartinneqareernissaa naatsorsuutigineqarpoq.

Immikkoortumi siullermi illoqarfinni anginerusuni atuisut poortuutunik, Dansk Retursystem-imut ilaareersunik utertitsinerminni akiusoq pissarsiarisinnaalissavaat. Tamanna poortuutitut nalunaarutip allanngortinneqarnissaanik pisariaqartitsiffiunngilaq, taamaattumillu pilertortumik aallartinneqarsinnaalluni. Aaqqissuussineq taanna nammineerluni aalajangigassaavoq, tassanilu ESANI-p poortuutit utertinneqartarnerini akiusoq pillugu pisiniarfiiit suleqatigissavai. Immikkoortuq siulleg imminermini inuttaasut toqqaasinnaanerini annertunerulersitsissanngilaq, kisiannili innuttaasut tunisassiat arlallit poortuutaannik utertitsisinnaalernissaannut, poortuutillu pinngortitamut pinnginnissaannut, kiisalu niuertut nioqqtissianik, poortuutaanik utertitsinissamut Dansk Retursystem-imik nalunaaqutsersimasunik isumaginnissinnaalernissamut piareersarnissaannut iluaqutaassalluni.

Immikkoortup aappaani poortuutunik suliassaqarfik namminersortunngorsarneqassaaq. Tassani poortuutunik allanik, ullumikkut takusartakkatsinnit allaanerusunik tuniniaasinnaalernissaq ammaanngassaaq, poortuutit Dansk Retursystem-imik nalunaaqutsersimanissaat apeqqutaassalluni. Taamatullu utertitsisarnermut aaqqissuussaq nuna tamakkerlugu siaruartinneqassaaq. Poortuutitut

nalunaarutip allannguutaa qularnanngitsumik kalaallinit maqiterisunit immialiortuniillu annertuumik unammilleqatigiinnermik pilersitsisoqassaaq. Piffimmi suliaqartunit allannguut poortuutitut suussutsinut arlalinnut atuinissaminut periarfissaqalissapput. Siusinnerusukkut piffimmi suliffeqarfiusuni poortuutit qinigassat allat atorpeqarsinnaanissaanut qinnutigineqartarpoq.

Taamatut oqaaseqarlunga Naalakkersuisuniit siunnersuut akuerisassanngorlugu innersuunneqarpoq.